



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

57 [i. e. 37] Ficus nunquam moritur.

urn:nbn:de:hbz:466:1-10316

cod. comment. vers. quod verò hæc.
 33 Quid autem, si ex alio delicto universitas bonorum alicujus habentis juspatronatus per judicem laicum confiscaretur? An transeat cum universitate bonorum? & videtur, quod sic, per gloss. in cap. filii, in ver. propinquis, 16. quæst. 7. quam sequitur. Abb. in cap. quanto, num. 9. de jud. & in cap. cùm laici, & cap. nobis, num. 3. de jur. patr. & Roch. de Cur. in tractat. de jur. patr. sub ver. ipse, vel 15. n. 66. 67. & 68. contrariam tamen opinionem tenet. gloss. in clem. pastoralis. in verb. subiectæ, quām sequitur, Abb. n. 13. ubi etiam Jac. & Imol. de re jud. Felin. in eod. cap. quanto, num. 3. de jud. Card. in clem. 2. quæst. 8. de jur. patr. & Jaf. l. si non sortem, s. libertus, num. 25. ff. de cond. indeb. & novissima post Simanc. & Giagan. Caball. in cent. resolut. crimin. cas. 40. sub num. 8. & hæc est communis opinio, à qui in judicando non est recessendum, quia melioribus rationibus est fulta. Non enim valuit confiscatio in odium regis Roberti facta ab Imperatore de feudo, ex quo feudum non erat temporale, d. clem. pastoralis, de re jud.

34 Nam juspatronatus, si non mere spirituale, est tamen spirituali annexū, c. quanto, & ibi gloss. & Abb. num. 1. & Felin. num. 3. de jud. cap. de jure, extr. de jur. patr. & Roch. de Cur. in tractat. de jur. patr. super verb. jus, num. 2. & conexorum idem est judicium, cap. translato. de constit. dict. cap. quanto, & cap. de jure, & sequitur naturā spiritualis, quia jurispatronatus causæ, non nisi à judicibus ecclesiasticis valent diffiniri, d. cap. quan-

to, in fin. & ibi Abb. nu. 3. & num. 6. de jud. & Roch. de Cur. eodem num. 2.

† Ideò, cùm judex laicus sit incapax cognitionis cause juspatronatus, licet possit confiscare universitatem bonorum profanorum, secus tamen est de bonis spiritualibus, aut spirituali annexis, quæ spirituali tantummodo jurisdictioni subjiciuntur, cùm ei non liceat falcem suam in alienam messiem impolare, & imponendo, gesta nulla, irrita, & inania esse noscantur, d. clem. pastoralis, s. cum, & si. & s. ut igitur, de re jud. & quod ad juspatronatus, sententia judicis laici condemnatoria est nulla, & non nocet condemnato, quia, quod nullum est, nullum sortitur effectum.

Amittitur tamen † juspatronatus per confiscationem omnium bonorum auctoritate judicis ecclesiastici factam, non autem quod juspatronatus transeat in fiscum, quia talis translatio esset pre-judicialis Ecclesiaz, in cuius favorem, deficitibus successoribus, extinguitur juspatronatus, sed remanet beneficium liberum, & ad liberam collatoris dispositionem, ut tenent Card. Imol. & Ant. quos referunt Roch. de Cur. dicens, hanc opinionem, quod Ecclesia remaneat libera, esse æquorem, supet eod. ver. ipse, vel in, n. 36, & si transiret in fiscum periiret spes libertatis beneficii, quia fiscus nunquam moritur, & eadem ratione juspatronatus non transcat in fiscum cum universitate bonorum propter crimen hæresi, sed liberatur beneficium, ut per Felin. in eod. cap. vergentis, de heret. cum aliis supra allegat.

DE

